

18/04/2004

Apabila polis masuk ke sekolah ...

Noor Azam

"Samseng" di sekolah adalah simptom, bukan penyakit sebenarnya

APA yang kita namakan "samseng" dan "gangsterism" di sekolah itu, bukanlah 'penyakit' sebenarnya. Ia hanya simptom kepada 'penyakit' yang perlu kita selidiki dan akui akan kewujudannya. Yang sakit adalah sekolah, ibu bapa dan masyarakat. Maka sekolah, ibu bapa dan masyarakatlah yang perlu diubati atau 'dihukum'.

Maka usaha Kesatuan Perkhidmatan Perguruan Kebangsaan "menjalankan kaji selidik di seluruh negara dengan membabitkan 3,000 orang guru sebagai responden bagi mendapatkan maklum balas isu disiplin di sekolah" adalah suatu ikhtiar yang tepat. Tidak ada orang yang betul-betul tahu apa yang berlaku di sekolah dan di asrama sekolah, selain daripada guru.

Tetapi mengumpul dan memproses maklum balas sejumlah 3,000 tentulah memakan banyak masa. Barangkali 1,000 pun sudah memadai. Yang diperlukan bukan jumlahnya, tetapi maklum balas yang 'berani dan jujur'.

Sebenarnya guru-guru atau pihak sekolah sudah tahu di mana punca masalahnya - penyakitnya dan cara-cara mengubatnya. Ini bukanlah masalah baru. Yang tidak ada, keberanian dan kesungguhan sekolah dan jabatan pendidikan. Keberanian untuk mengakui 'penyakitnya' dan kesungguhan untuk bertindak tegas.

Maka apabila ada pelajar yang mati dibelasah kawan-kawan, barulah kita gelabah dan melenting marah-marah. Lantas menyamakan anak-anak kita dengan "gangster" dan dilabelkan sebagai "penjenayah".

Apabila pelajar tidak menghormati dan mematuhi guru dan ibu bapa, maka jadilah apa yang terjadi sekarang. Sebab itulah guru dan ibu bapa mestilah jadikan diri mereka orang yang dihormati dan dikasihi anak-anak.

Di samping faktor sekolah, ibu bapa dan masyarakat sekeliling cukup besar pula pengaruhnya terhadap tingkah laku anak-anak. "Di negara kita, kesan buruk dan jahat dari berbagai-bagai macam iklan dan siaran hiburan - bukan saja telah mempengaruhi anak-anak dan beli, tetapi juga orang dewasa dan orang tua-tua.

"Kita tak berdaya lagi membendung eksploitasi seks dan keganasan yang menjadi salah satu usaha dagang terbesar di dunia sekarang... Kita juga membiarkan bermacam perniagaan yang membawa kejahatan, berlaku di depan mata kita. Kita pun sering juga ikut melakukan hal-hal yang tidak sewajarnya dilakukan."

Begitulah sebahagian daripada tulisan saya dalam kolum ini, BM 31 Ogos tahun lalu. Saya ulangi untuk renungan kita bersama. Kata Pengerusi Yayasan Pencegah Jenayah Malaysia, Tan Sri Lee Lam Thye, "The environment surrounding the schools has a strong influence on the number of disciplinary case."

Elok juga saya ulangi sekali lagi petikan ucapan Tun Dr Mahathir Mohamad yang pernah saya perturunkan dalam ruangan ini, juga pada 31 Ogos tahun lalu:

"In my opinion there are too many foreign films associated with sex and violence.

Isn't there any other kind of filems? Everything is to do with sex and violence. Terminator this, terminator that, shootings, killings."

Years ago, the was no such thing as child hitting his mother, shooting his father or anything like that.

But today, we see these things happening here. And all these come from watching violent films.

When we talk of censorship, everyone starts making an issue about freedom. Freedom for what... to kill someone? " - (NST, 24 Ogos 03)

Apa kata kita sebagai ibu bapa, pemimpin politik, anggota parlimen, pegawai kerajaan dan pemimpin badan bukan kerajaan? Tidakkah kita pun ikut bertanggungjawab?

* (No 86 Jalan SS22/32, Damansara Jaya, Selangor - 14 April, 2004)